

Creta seu Candia, cum aliquot Insulis circa Græciam.

Regio & unde
dicta.
Situs.

Soli fertilitas.

Animalium va-
rietas.
Imperium ma-
jorum.

Urbes.

Flumina.

TANDEM ad postremam Europæ tabulam pervenimus, in qua nobis *Candia* cum aliquot exiguis circa Græciam Insulis a Mereatore depingitur. *Creta* Ptol. Maris Mediterranei Insula. Hodie *Candia* vulgo dicitur. Eam a Septentrione *Ægæi* fluctus verberant, ab Austro Libyci & *Ægyptii*, ad Occasum est Mare Hadriaticum, ad Ortum Carpathium. Forma oblonga est: ad Orientem Promontorium Samonium excurrit: ad Occasum *Criu Metopum*, contra Cyrenem: In Septentrionem vero tertium prominet quod Strab. lib. x vocat Cimarum, nunc *Capo Chésin* dicitur. Longitudo est cclxx m. p. Latitudo l. Am- bitus lxxxix. Regio omnis aspera est & Montibus ubique horrens, sed fertilissima Frumenti, & pascua. Mira soli indulgentia, arborarii proventus abundantes. Plinius quoque auctor est, quidquid in Creta nascitur, infinito pretio ceteris ejusdem generis antestare. Profert Vites, Oleas, Mala punica, Ficus, Mala aurea, Citrea. Malvaticum Vinum in hac sola Insula premitur, atque ex ea Venetias & in reliquas Orbis partes defer- tur. Hoc Vinum antiqui *Pramnium* vocarunt, auctore Bellonio. At Volaterranus putat hodie Arvisia, Mal- visia dici, adjectione unius literæ: additque id genus vitium ex Arvisio Chius Insulæ promontorio (unde Ar- visia Vina olim) in Cretam esse delatum. Profert item Mel, Ceram, Caseum, Coccum, Ladanum copiose, Dictamon soli Cretæ peculiarem. Insula omnis Lupum, Vulpem Serpentem, aut omnino Animal noxium præ- ter Phalangium, natura non habet. Eam ob causam magna cum securitate Animalium greges noctu in arvis pasci sinunt, præsertim Ovium & Arietum, qui *Striphoceri* ab illis appellantur. Varia autem producit Animalia. Hoc etiam de Creta auctores prodiderunt, Noctuum non habere, eamque mori quando invehitur. Rexere Insulam primum *Jupiter*, tum *Rhadamantus* post *Minos* & *Græci Romanorum* potestatis facta est a Metello, qui ex re *Creticus* dictus est. *Constantinopolitani* eam postea tenuere: *Baldwinus* Comes Flandriæ & Imp. *Constantino-* poleos dedit *Marchioni Montisferrati*, a quo vendita est *Venetis* anno cixciv immani Auri pretio: itaque ad- huc illorum Imperium agnoscit. Olim centum urbibus claram fuisse prisca Scriptores tradunt: earum circiter xl Plinii ætas novit. Urbium notissima *Gnosfos*, Minois aliquando regia, a qua *Gnosius* arcus, tela *Gnosia* dicuntur. Sequitur *Cortyna*, unde tela *Cortynia*, veltis *Cortynia*. *Claudius* de raptu *Proserpinæ* lib. i i *Ovidius*.

Crispatur gemino vestis Cortynia cinctu.

Tum Phæstos.

Proxima Gnossiaco jam quondam Phæstia regno Progenit tellus.

Et *Cydon*, unde *Arcus Cydonius*, Cornu *Cydonium*. Et *Dictinna*, *Manethusa*, *Lycastos*, *Lyctos*, *Holopixos*, al- liaque. Hodie vero, Bellonio auctore, trestantum alicujus nominis habet urbes: quæ sunt *Candia*, olim *Ma-* tium, utbs totius Insulæ prima, a qua universa Insula appellationem desumpsit. Amplitudine secunda post *Candiam*, *Canea*, olim *Cydon*. Tertia est *Rhetymo*, quam veteres *Rhethymnam* dixere. Paullo incommodio- rem habet hæc Portum: at *Canea* & *Candia* commodissimos habent. Flumina per universam Insulam nulla sunt quæ navem ferant. Sunt tamen multi & magni rivi, in quibus sponte sua *Colocasias* proveniunt. In littore